

13 MARCH 1999
DAILY EXPRESS

UMS anjur bengkel

KOTA KINABALU: Universiti Malaysia Sabah (UMS) akan menganjurkan sebuah bengkel tentang bagaimana hendak menghasilkan kaedah penyelidikan, penulisan esei dan tesis mengikut format yang betul bagi para pelajar institusi pengajian tinggi.

Program yang akan diadakan pada 21 Mac itu akan berlangsung di Dewan Bahasa dan Pustaka, cawangan Sabah.

Pengarah penganjurnya Encik Stanley Aiyong berkata, kelemahan paling ketara di kalangan para pelajar ketika mengkaji mengkaji sesuatu isu dalam bentuk penulisan adalah kegagalan mereka mencernakan sumber rujukan yang diperolehi sehingga hasil kajian atau penulisan mereka cenderung dilihat seba-

gai penciplakan daripada hasil atau kajian terdahulu.

Menurut beliau, program yang bertemakan "Bengkel Kepimpinan dan Penulisan Akademik" itu juga diharap dapat memupuk sifat kepimpinan dan semangat motivasi yang tinggi di kalangan para pelajar dan seterusnya mampu melahirkan pendapat melalui medium penulisan.

Sebagai pemimpin masa hadapan, katanya para pelajar harus memiliki kemampuan mengeluarkan pendapat mereka melalui kajian-kajian dan penulisan ilmiah yang diusahakan oleh mereka sendiri.

Para peajar institusi pengajian tinggi, kolej-kolej swasta dan maktab perguruan dijangka akan menyertai bengkel tersebut.